



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბარდაველიძე ვერა ვარდენის ასული

ბარდაველიძე ვერა ვარდენის ასული (17. IX. 1899, თბილისი, – 23. X. 1970, იქვე), ეთნოგრაფი. ისტ. მეცნ. დოქტორი (1957), პროფესორი (1966), საქართვე. მეცნ. დამს. მოღვაწე (1963).

ოსუ -ის სიბრძნისმეტყველების ფაკ-ტის დამთავრების (1923) შემდეგ სწავლობდა ლენინგრადში, მათერ. კულტურის აკად. ასპირანტურაში (1926–29). 1931-იდან სამეცნ.-პედ. მუშაობას ეწეოდა საქართვე. სახელმწ. მუზეუმში, ენიმკის ინ-ტში, თსუ-ის ეთნოგრ. კათედრაზე და ი. ჯავახიშვილის სახ. ისტ., არქეოლ. და ეთნოგრ. ინ-ტში. 1965-იდან იყო ამ ინ-ტის საქართვე. ეთნოგრ. განყ-ბის გამგე.

დიდი ამაგი დასდო ხალხ. საკულტო ძეგლების მეცნ. შესწავლას. ბ-ის შრომები მიძღვნილია ქართვ. ხალხის ადრინდ. სოც.-ეკონ. განვითარებისა და სულიერი კულტურის პრობლემებისადმი (ასტრალური რწმენა-წარმოდგენები, ღვთაებათა პანთეონი, ნაყოფიერება-გამრავლებასთან დაკავშირებული კულტები და რიტუალები, ქართ. ხალხ. დღეობა კალენდარი, ხალხ. ორნამენტი, სანესო გრაფ. ხელოვნება და მრავალი სხვ.). ბ-მ განსაკუთრებული ყურადღება დაუთმო ქართ. სანესო გრაფ. ხელოვნებას, რ-საც უდიდესი მნიშვნელობა აქვს მრავალრიცხოვანი არქეოლ. გრაფ. მასალის გაშიფვრისა და გააზრებისათვის. საგანგებოდ აღსანიშნავია ბ-ის მიერ აღმ. საქართვე. მთიელთა თემის ადრინდ. კლასობრივი საფეხურის სოც.-ეკონ. ორგანიზაციის (თეოკრატია) ბუნების დადგენა, რითაც არსებითი კორექტივი შეიტანა მთაში გვაროვნ. წყობის მარადიულობის თეორიაში. ამასთანავე მან ქართველ ისტორიკოსთა შორის პირველმა დაუკავშირა წინაქრისტ. რელიგიურ რწმენა-წარმოდგენების შესწავლა ეკონ. და სოც. გარემოს და მყარ სამეცნ. საფუძველზე დაამკვიდრა წარმართობის შესწავლა ჩვენში.

მიღებული აქვს სახელმწ. ჯილდოები.

ლიტ.: გ ე გ ე შ ი ძ ე მ., ვ. ბარდაველიძის ცხოვრება და სამეცნიერო მოღვაწეობა, «მასალები საქართველოს ეთნოგრაფიისათვის», 1972, ტ. 16-17; თ ო დ უ ა რ., ვ. ბარდაველიძის შრომების ბიბლიოგრაფია, იქვე; ო ნ ი ა უ რ ი თ., რ უ ხ ა ძ ე ჯ., ვერა ბარდაველიძე, თბ., 1988.

მ. გეგეშიძე
